



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus XLIV. De Dominica I. Septembr: & Ferijs eam Subsequentibus.

**urn:nbn:de:hbz:466:1-39937**

## TITULUS XLIV.

### De Dominica I. Septembr. & Ferijs eam Subsequentibus.

**D**OMINICA I. Septembr. ubi fit de ea, ponitur in I. Nocturno *Initium Libri Job*: quod si verò occurrat Festum Duplex, habens proprias in I. Noct. Lectiones, tunc ponitur proxima die, Festo ejusmodi (h. e. proprias in I. Noct. habente Lectiones) non impedita, seu *Festiva* illa fit, seu *Ferialis*; atque de eodem Libro *Job* legitur etiam sequente Hebd. ad Dominicam III. Septembr. In II. Nocturno (si de Dominica fiat Officium) Lectiones propriæ in Loco. Lectiones verò III. Nocturni sunt de Homilia illius Dominicæ, quæ secundum Ordinem Dominicarum post Pentec. occurrit in P. 2. Proprij de Temp. Hodie quoque (nisi occurrat Officium Duplex) primò ponuntur Responsoria de Historia *Job*: quæ si ob Officium Duplex hodie occurrunt Dominicæ hodiernæ poni non possint, poni debent prima die, quâ infra hebdomadam I. Septembr. occurrit fieri de Feria, omittendo alia, quæ forte in illa Feria propria habentur: Quod si in tota hac Hebdomade non occurrat dies, in quo fiat de Feria, ponenda sunt in sequenti Dominica, aut Hebdomade

similiter non impedita: Quod si etiam sequenti Dominica ac Hebdomade poni non possint, tunc annò illò penitus sunt omittenda. *Rubr. hic.* Antiphonæ ad *Benedictus*, & ad *Magnificat* unâ cum Oratione sumuntur ex Dominica currente post Pentec. Reliqua omnia sunt ac dicuntur respectivè ut supra Dominicâ III. post Pentec. ac I. Augusti. Idem est de Missa, quæ pariter dicitur de eadem Dominicâ, quæ in Ordine Dominicarum post Pentec. in Proprio de Temp. occurrit, ritu semid. ac modo supra Dominicâ III. post Pentec. & I. Augusti descriptò, ad quarum 2. Dominicarum normam ordinantur quoque OFFICIA & MISSÆ sequentium Dominicarum.

Infra Hebd. I. Septembris (idè est de Hebdomada II. hujus ejusdem Mensis) OFFICIUM ac MISSA ordinantur eò proportionaliter modò, quò infra Hebdomadam III. post Octavam Pentecostes, ac I. Augusti, sumendo Lectiones (in feriali Officio) de Scriptura occurrente nisi ponendum sit Initium Scripturæ, quod præcedente Dominica poni non potuit; Responsoria verò (si non ponenda sint alia, nondum primò po-

ita, modò suprà declarató) accipi-  
endo pro Feria II. illa ipsa, quæ no-  
entur in proprio loco. Pro Feria III.  
& VI. ex II. Nocturno Dominicæ  
præced. Pro Feria denique IV. &  
Sabbato (quando in hoc Officium  
fit feriale) responsum primum  
ex III. Nocturno Dominicæ præce-  
dentis, ut ibi notatur primò locò;  
secundum & tertium verò ex Feria  
II. præcedente, pariter ut ibi nota-  
tur secundò & tertio locò.

SABBATÒ ante Dominicam II.  
Septembr. Antiphona ad *Magnificat*  
pro sequente Dominica est: *In omni-  
bus his &c* uti in Loc. Oratio de Do-  
minica, quæcras secundum Ordine-  
m Dominicarum post Pentec. oc-  
currit. *Col. Vir.* si hodie saltem à Ca-  
pitulo fiat de Dominica seq. & ea  
non occurrat infra aliquam Octa-  
vam.

NB. Dominicâ I. Septembris in  
omnibus Provincijs, ac Ditionibus,  
tam Hereditarijs, quàm alijs, Au-  
gustissimo Romanorum Imperatori  
subiectis (exceptis ijs Locis, quæ  
sunt in Diocesi Constantiensi, in qua  
ob Festum & Octavam S. Pelagij Pa-  
troni Diocesani circa hoc Tempus  
occurrentem, anticipatur ad Domi-  
nicam V. post Pentec.) celebratur  
ex Indulto Sac. Sedis Apostolicæ Fe-  
stum S. ANGELI CUSTODIS sub Ritu  
duplici 2. Classis & cum Octava, pro-  
ut videre est apud P. Gob. Tom. I.  
*Oper. Moral. P. I. Tr. 5. n. 650. Ap-*

pend. 5. à Lit. E. ubi etiam Lit. I.  
& M. Ocasione hujus Indulti Di-  
scuit 1. An, quia in Terris, Augu-  
stissimo Imperatori Austriaco-Ro-  
mano subiectis, reperire est non  
nullos Episcopatus, quorum præ-  
agnoscat alium Dominum, etiam  
hæc alia Pars gaudeat Indulto Fe-  
stum Ss. Angelorum Custodum ce-  
lebrandi sub Ritu Duplici 2. Classis  
& cum Octava? 2. Quid intelligi-  
tur per Provincias tam Hereditarias  
quàm alias, Augustissimo Imperato-  
ri Austriaco-Romano, vel tanquam  
Cæsari, vel tanquam Regi Hunga-  
riæ, & Bohemiæ &c. Subiectas? Vi-  
de de utroque eundem P. Gob. de  
tiam eodem Tract. 5. n. 82. & ex  
quæ tum ipse dicto Tractatu  
meris citatis tradit, tum etiam  
vantus Tom. 2. S. 2. c. 2. n. 24.  
& 26. resolve, an etiam Diocesi  
Terris Augustissimo Imperatori sub-  
bjectis vicinæ, possint ex congrua  
aliqua interpretatione Privilegij  
Sede Apostolica concessi, salvis  
Sac. Rit. Cong. Decretis similiter  
lebrare Festum & Octavam Ss. Ang-  
lorum? In ipso Festo dicuntur  
omnia, uti norantur in Breviario Ro-  
mano ad diem II. Octobris (quod  
alioquin in Ecclesia Universali extra  
Imperium, ac dictas Provincias, sub  
Ritu tamen solum duplici minore,  
celebratur) nisi quòd in III. Noctur-  
no Lektioni Octavæ jungenda sit no-  
na ibi posita (eò quòd in hæc sola fiat

mentio de Ss. Angelis Custod. ) non autem locò dicenda sit Lectio de Homilia Dominicæ I. Septembr: hujusque faciendæ Commemoratio in utrisque Vesperis, Laudibus, ac Missa (quæ pariter dicitur cum *Glor. & Cred:* per totam Octav. uti notatur vel 2. Octobr: vel in aliquibus Missalib: post diem 1. Septemb. cum ultimo Evang. de Dominica) nisi alicubi ob occursum vel concursum cum alio Festo 1. aut 2. Classis aliud ex parte requirant Rubricæ. Benedictio 8. *Quorum Festum &c. Col. Alb.* Ubi Festum Ss. Angelor. est Titulare Ecclesie: adeoque 1. Classis, ibi nihil fit de Simplicio hodie occurrente, bene tamen de Dominica hodie occurrente, ut supra. De Simplici quoque subsequente nulla fit ibi Commemoratio in hodiernis 2. dis Vesperis: ubi autem est Duplex tantum 2. Classis, ibi non modò fit in hodiernis 2. Vesperis Commemoratio de Festo Simplicio subsequente, sed etiam de Festo Simplicio hodie occurrente, non quidem in Vesperis seu primis, seu secundis, attamen in hodiernis *Laudibus*, ac *Missis solum privatis.*

INFRA OCTAVAM *Officium* dicitur ut in die Festi (exceptis Lectiõibus, quæ in I. Noct: dicuntur de Scriptura occurrente, Feriâ II. ponendo Lectiões de Initio Libri Job. ex hesternâ Dominica, utpote in qua legi non poterunt) in II. & III. Nocturno autem dicende eas (si fiat

de Octava) quæ cuivis per Octavam diei in Appendice Breviarij assignantur. Si infra hanc Octavam occurrant, vel concurrant alia Festa, observandum est id, quod circa occursum, vel concursum aliorum similium Festorum infra aliquam Octavam non privilegiatam præscribunt Rubricæ Breviarij ac Missal. Rom: de quo infra P. III. In Missa infra hanc Octavam (nisi faciendâ sit Commemoratio de aliquo Festo Simplicio, aut de Octava alia inferioris Ordinis) 2. Oratio est *Concede.* 3. *Ecclesie* vel pro PAP.

SABBATÒ infra Octavam S. Angelis Custod: si nec cras, nec hodie occurrat Festum Duplex, dicentur Vesperæ de sequenti die Octava Ss. Angelor. Custod: omnia recitando, ut in 1. Vesperis, cum commemoratione Dominicæ II. Septembris, necnon Festi Semidupl. præcedentis, uti & diei infra aliam Octavam, si aliquando, aut alicubi talia Festa, aut dies simul occurrant, nec non Festi Simplicis cras subsequenti. *Col. Alb.* Quòd si hodie præcesserit Festum Duplex minus, Vesperæ usque ad Capitulum erunt de illo, à Capitulo verò de die Octava Ss. Angelor. Custod: cum Commemoratione Festi præcedentis, nec non Dominicæ, ac aliorum ut antè. Si autem hodie occurrat alicubi Duplex majus, aut Festum vel 1. vel 2. Classis, Vesperæ totæ dicentur de eo,

G g 1

CUM

cum Commemoratione diei Octavæ,  
 Dominicæ, atque etiam (nisi hodiernum Festum sit duplex 1. Classis)  
 Festi Simplicis cras occurrentis. Si  
 verò cras occurrat Festum 1. aut 2.  
 Classis (v. g. Nativitas B. V. M.) tam  
 hodiernæ Vesperæ, quam crastinum  
 Officium dicentur de illo, de die Octava  
 autem Ss. Angel. Cust: tantum  
 fiet Commemoratio in utrisque Vesperis,  
 Laudibus, ac Missa, uti & Dominicæ,  
 cum 9. de hac cras Lectio in Officio,  
 & ultimo Evang: in Missa. Si ejusmodi  
 Festum cras occurrens non sit duplex 1.  
 sed tantum 2. Classis, admittit etiam  
 Commemorationem Festi Simplicis, at  
 tamen non nisi in crastinis Laudibus,  
 ac Missis privatis; nullò autem modo  
 diei alicujus infra Octavam, aut  
 Simplicis in hodiernis 1. Vesperis. Si  
 denique cras occurrat solummodo  
 Duplex majus aut minus per annum,  
 cedit illud juxta Rubricas Diei Octava  
 Ss. Angelorum, ac transfertur in diem  
 proximam non impeditam, etiam si  
 Duplex illud majus sit Festum Nominis  
 B. V. M. ut infra P. II. ad diem 8.  
 Mensis Sept. dicitur, ac expressè his  
 verbis tradit *Psalt. Dir. Canon. C. 8.*  
*in Prop. Sanctior. Mensis Sept.* Si Festum  
 Nominis B. Mariæ incidit in diem  
 Octavam Ss. Angelorum, Custodam,  
 servetur Rubrica in Tabella  
 occurrentium Festorum, id est, transferatur.  
 Ita declaravit S. Congregatio die 22. Januarii  
 1707. non obstante quocunque anteriore  
 Decreto in contrarium, prout in quibusdam  
 Directoriis erroneè positum fuit, tamquam  
 ab Innocent. XI. emanatum: nihil enim aliud  
 in sua Bulla statuit idem Pontifex, nisi  
 quod præteritum Festum Nominis Mariæ  
 Festo Exaltationis S. Crucis cederet ex  
 æqualibus (prout infra P. II. locò) cum  
 igitur ipsum Festum Exaltationis S. Crucis  
 occurrat in aliqua die Octava transferri  
 debet juxta Rubricam de Translat: Festorum  
 n. 2. consequens est, ut in prædicta  
 occurrentia transferri etiam debeat Festum  
 Nominis B. Mariæ, idque a fortiori &c.  
 Ipsa DIE OCTAVA Ss. Angelorum Custod:  
 Si Festum Duplex 1. aut 2. Classis non  
 occurrat, Officium, & Missa fit (sub Ritu  
 dupl. min.) ut in die Festi, nisi quod  
 Lektionen I. Noct: dicendæ sint de Scriptura  
 occurrente, adeoque sumendæ ex I. Noct:  
 non Dominicæ 2. Septembr. In II. Noct:  
 dicuntur uti in proprio loco. In III. denique  
 Noct: uti in Festo (ex 8. & 9. Lektione  
 faciendæ una) nisi quod Lectio ult: dicenda  
 sit de Homilia Dominicæ occurrentis, ejusque  
 faciendæ Commemoratio in 1. Vesperis,  
 Laudibus, ac Missa, in qua etiam de ead.  
 Dominicâ dicendum est ultimum Evangelium.  
 In 2. Vesperis fit Commemoratio Officij  
 sequentis (nisi fuerit Duplex) atque

que etiam ejusdem Dominicæ, nisi cras occurrat Festum 1. aut 2. Classis; tunc enim in hodiernis Vesperis de tali duplici dicendis, nulla fit Dominicæ Commemoratio, uti nec Festi Simplicis crastini, imò nec ipsius diei Octavæ, si Festum cras alicubi occurrens sit dupl. 1. Classis: quòd si sit duplex tantum 2. Classis, admittit in hodiernis suis 1. Vesperis Commemorari: de die Octava, non autem de hód: Dominica, nec de crastino Simplicis, nec de die infra Octavam. Si cras occurrat *Duplex majus*, hodiernæ Vesperæ integræ erunt de illo cum Commemoratione diei Octavæ, uti & diei infra Octavam, ac Festi Simplicis, si cras unà occurrant. Si denique cras occurrat *Duplex minus*, Vesperæ hodiernæ à Capitulo erunt de illo, cum Commemoratione diei Octavæ Ss. Angelorum, & diei infra Octavam, ac Simplicis, si ejusmodi dies, aut Festum occurrat; quia hic non attenditur major dignitas Angelorum præ illo, de quo fit crast: Officium; sicut ergo primæ & secundæ Vesperæ Festi Ss. Angelorum, ubi celebratur 2. Octobr: ut *Duplex minus*, dividendæ sunt à Capitulo, si detur concursus cum alio duplici minore, ita idem est de die Octava. Vide tamen, quæ dicuntur P. II. 2. Octob.

Si Dies Octava Ss. Angelor: Custod: incidat in Festum 1. vel. 2. Classis v. g. in Festum Nativitatis B. V. M.) Officium & Missa erunt de tali Festo, cum Commemoratione diei Octavæ, & Dominicæ currentis in 1. Vesperis, Laudibus, ac Missa, nec non 9. Læctione in Officio & ult: Evang: in Missa de ead: Dominica: sed & in 2. Vesperis talis Festi fit Commemoratio de die Octava, atque etiam de Dominica; nisi Feriâ secundâ occurrens Festum sit 1. aur 2. Classis; nam si sequatur Festum 1. Classis, nec diei Octavæ, nec Dominicæ præcedentis in 1. illius Vesperis fit Commemoratio; Si autem sequatur Festum 2. Classis, tunc quidem admittit in illis Commemorationem diei Octavæ, non tamen Dominicæ præcedentis, ut ante dictum. Casu, quò dies Octava Ss. Angelor. Custod. incidit in Dominicam infra Octavam Nativit: B. V. Hymnus Laudum in Officio Ss. Angelor: retinet suam propriam clausulam, juxta eam quæ tradit Gavanti: Tom. 2. Sect. 5. c. 6. n. 13.



F I T U